

خاشقجي وشبهة الشهادة | ذكرى وعبرة ٣ | حلقة ١ | فاضل

سليمان

فاضل سليمان

رسائل رحمته حواليك نبعها وخد امل منها كان قبلك لذكراك طول ما لسه الروح في جسمك طول ما تبقى احسن في الحياة من يوم ميلادنا واحنا اطفال في الصغر من ساعتها ليوم وفاتنا كل - [00:00:00](#)

السلام عليكم ورحمة الله وبركاته. كل سنة وحضراتكم طيبين في شهر سبتمبر الفين وتمنتاشر استلمت رسالة بالواتساب من الكاتب الصحفي جمال خاشقجي رحمة الله عليه ارسل فيها لي مقالته الاخيرة اللي نشرت في الواشنطن بوست - [00:00:40](#)

كان فيها انتقاد شديد للسياسة الامريكية في الشرق الاوسط وانا كنت عايش في امريكا وعارف كويس ان ده مش امر سهل. امريكا صحيح فيها حرية تعبير عن الرأي لكن مش لنا احنا - [00:01:06](#)

احنا لما بنعبر عن رأينا بصراحة بنتصنف هناك على اننا متطرفين. لكن بالنسبة لجمال خاشقجي وضعه كلاجئ او كشخص مطارذ من نزام ظالم لم يكن من السهل انه يكتب هذا الكلام - [00:01:18](#)

وربما يعني لا يدرك هذا بعض الناس. لكن انا فاهم كويس بحكم تجربتي في امريكا آآ قوة مقالة زي دي كانت عاملة ازاى وان دي كان فيها شجاعة كبيرة جدا منه رحمة الله عليه - [00:01:32](#)

المهم انا كنت بالفعل قرأت هذه المقالة قبل ما يرسل لي رسالة الواتساب وارسلتها لاصدقائي وكده عجبنتني شجاعته. فلما ارسلتها وهو ارسلها لي بعد كده قلت له انت بتبع لي ايه - [00:01:47](#)

انا قرأتها وارسلتها يمين وشمال وشرقا وغربا ربنا يا رب يكرمك ودعوت له قلت له ربنا يحشرك مع صحفيي النبي صلى الله عليه وسلم اقصد بذلك شعراء النبي. لان الشعر كان هو الصحافة في هذا الوقت - [00:02:02](#)

قلت له ربنا يحشرك مع صحفيي النبي ابن مالك اللي هو كعب ابن مالك وابن ثابت اللي هو حسان ابن ثابت وابن رواحة اللي هو سيدنا عبدالله ابن رواحة دول شعراء النبي صلى الله عليه - [00:02:22](#)

هو عادة الواحد لما بيحيي له دعاء بيقول امين لكن هو امن من قلبه اوي وقال امين امين طبعا عبدالله بن رواحة آآ احد شعراء النبي مات شهيد وهو بيقود جيش المسلمين ضد الروم في غزوة مؤتة - [00:02:35](#)

لما قاد الجيش بعد زايد ابن حارثة وجعفر الطيار اللي هو اخو سيدنا علي بن ابي طالب. جعفر بن ابي طالب آآ هو لما ردها مرتين كده انا الحقيقة تعجبت - [00:02:56](#)

يعني عادة بستلم امين لما بدعي لحد لكن امين امين قالها من قلبه الحقيقة لكن ما كانش موضوع الاستشهاد ده في ذهني لم يمر ثلاث اسابيع الا وربنا استجاب ان لم يكن لدعائي فغالبا لتأمينه اللي صدر من قربه - [00:03:09](#)

وآآ ارتقى شهيدا بايدي يعني اعوذ بالله يمكن اسوأ خلق الله. منافقين يعني آآ ناس آآ لن ادخل في تفاصيل الخدعة اللي خدعوه بها والجريمة البشعة التي لا يرتكبها حتى الحيوانات. لكن ربما انتم متعجبين ان دي اول مرة - [00:03:27](#)

اعلق على هذا الموضوع وده لان هذا مش برنامج سياسي لكن هذا برنامج ذكريات وعبر بخرج بها من هذه الذكريات العبرة اللي بخرج بها النهاردة هو انه من احب لقاء الله - [00:03:47](#)

احب الله لقاءه احنا بنعيش مرة واحدة وبنموت مرة واحدة. لذلك لازم نعيش صح ونموت صح اوعى تعيش وانت مناصر للباطل

اوعى تموت وانت مناصر للباطل كمان. الحقيقة موضوع جمال خاشقجي رحمة الله عليه يجعلني اعترف بسر لم اذكره من قبل -

[00:04:03](#)

وهو ان انا كان عندي آآ شبهة يجي ثلاثين سنة مش عارف الرد عليها وما بقولش عنها للناس الناس عارفة ان انا عندي نشاط في

موضوع رد الشبهات وتدريب الدعاة الشباب على المجال ده مجال رد الشبهات من خلال مؤسسة جسور. لكن - [00:04:25](#)

كان عندي الشبهة دي في زهني طول عمري. ايه هي بقى الشبهة اللي لم اجد لها اجابة ابدأ دي هي شبهة الاستشهاد في سبيل الله

ازاي كلنا نعرف ان الشهيد بيغفر له مع اول نقطة دم تخرج منه - [00:04:45](#)

وبيرى مقعده في الجنة نحتسب جمال خاشقجي بازن الله شهيد. والواحد وخمسين مسلم اللي قتلوا غدرا في نيوزيلندا من كم آآ يوم

هنا قبل ما نصور الحلقة دية وهم بيصلوا ايضاً نحتسبهم شهداء بازن الله. وغيرهم وغيرهم مما قتلوا غدرا وهم يدافعون عن الحق -

[00:05:00](#)

ربنا بيغفر للشهيد مع اول نقطة دم تخرج منه. وبيرى مقعده في الجنة. يعني خلاص لا يحاسب طبعا الا على الحقوق اللي عليه للناس.

اما حق الله فغفر خلاص هو اصلا تسمية شهيد معناها شاهد - [00:05:20](#)

من الذي يدخل المحكمة وهو مش خايف؟ لانه مش داخل يتحاكم ولا هو متهم. الشاهد طيب الشوهة بقى اللي كانت عندي هي ايين

العدل؟ ان انسان يعبد ربنا سبعين تمانين سنة - [00:05:39](#)

رايح المسجد وجاي من المسجد ويصلي الفجر في المسجد ويقرا قرآن ويتصدق ثم يموت بشكل طبيعي على سريريه ويقف للحساب

وربما حتى يدخل النار فترة عشان يكفر عن ذنوب ارتكابها. ثم يدخل الجنة بعد كده - [00:05:55](#)

بينما انسان اخر لم يكن يفعل اي شيء من ده. بل ربما كان يرتكب المحرمات او يشرب الخمر او يلعب قمار. ثم يقف مع الحق نص

ساعة ثم تأتية رصاصة بالصدفة وهو واقف في موقف بيؤيد الحق فيدخل الجنة بدون حساب - [00:06:13](#)

بينما الاخر الثاني اللي عبد ربنا سبعين تمانين سنة سيقف لحساب وربما يعاقب كمان. لم اجد رد على هذا السؤال طول ثلاثين سنة

كمان في دماغي لغاية ما حدثت احداث - [00:06:31](#)

نتج عنها سقوط العديد من الشهداء واللي اعرفهم جيدا ما بين اصدقاء وطلاب بيدرسوا الدعوة آآ في مؤسسة جسور او اولاد وكانوا

اولاد وكانوا بنات كانوا في موقف صامدين فيه على الحق ثم غدر بهم - [00:06:43](#)

المهم حصرت من اعرفه من اصدقائي وابنائهم وبناتهم من الشهداء دول وجدتهم حوالي ستاشر ولد وبنت بدأت ادقق في تفاصيل

حياتهم واجمع عنهم معلومات من قرايبهم واصدقائهم ووجدت ان هناك شيء واحد بيجمع بينهم جميعا - [00:07:03](#)

وهو انهم كانوا اخفاء عندهم انكار للذات كل مجموعة شباب مات منهم واحد كان يحكوا لي وهم يجوا لي يقولوا لي والله يا

باشمهندس احسن واحد فينا اكثر واحد فينا كان هادي ومخ - [00:07:24](#)

وساكت وبيؤثر على نفسه هو ده اللي مات عملنا مبادرة في السنة دي اسمها حج الشهيد نشوف مين من الشهداء دول ما حش

ونشوف حد طالع الحج لتاني مرة ونديه اسمه يحج له لما الواحد لازم يكون حج لنفسه الاول اسمها حجة الاسلام وبعد كده يحج

للاخرين - [00:07:41](#)

ونديه نديه اسم حد من الشهداء يحج له وانا حبيت احج عن اقرب واحد منهم لي اسمه الشهيد آآ اسلام المتناوي اتصلت بوالده

علشان اسأله ان كان حاج قبل كده ولا نشوف واحد غيره - [00:08:01](#)

يا حاج عباس عندي سؤال. نعم. هل اسلام حج قبل كده قال لي اجابة من اغرب ما يمكن قال لي مش عارف مش عارف ازاى مش

عارف ابنك حاج ولا لا - [00:08:17](#)

قال لي انا اصلي كنت مسافر في الخليج انا وامه ومعلوماتي ان هو كان هيحج ثم حصل حاجة او لخبطة في الحجوزات او كده

فمش متأكد هو حج ولا لا - [00:08:30](#)

ده يوريكم شخصية اسلام. وهي انه ما كانش بيتكلم كثير انا لو حجيت برجع والم الناس واقعد احكي لهم وكل يوم حصل ايه

وبالتفاصيل والمواقف اللطيفة والمواقف المضحكة ده انا عملت حلقات اصلا عن - [00:08:40](#)

في الحج لكن الناس دي ما كانتش كده الناس دي ما كتش بتتكلم كتير عن نفسها ولا قليل وجدت الاجابة على سؤالي اتحلت المعضلة وهي انه ما حدش منهم جت له رصاصة بالصدفة - [00:08:56](#)

الشهادة ما بتجيش لحد بالصدفة. الشهادة منزلة بيرتفع اليها الانسان من لا يستحقها لا ينالها ممكن شخص عاصي على فكرة. او لكنه له احوال مع ربنا انت ما تعرفهاش. او بيؤثر على نفسه او عنده اخلاص - [00:09:14](#)

ربنا بيقول ان يمسسكم قرح فقد مس القوم قرح مثله وتلك الايام نداولها بين الناس. وليعلم الله الذين امنوا ويتخذ منكم شهداء والله لا يحب الظالمين. ركز ويتخذ منكم شهداء - [00:09:32](#)

دي اللي كان لازم افهمها من بيننا ربنا بينتقي ويصطفي ناس معينة تنال هذا الشرف ما حدش يحزن على شهيد بالعكس ولا تقولوا لمن يقتل في سبيل الله امواتا. بل احياء ولكن لا تشعرون - [00:09:52](#)

الحقيقة الشهيد بيؤثر يعني يعني بيؤثر في من حوله. وكأنه حي وربما اكثر الشهيد مصدر الهام لكثير من الناس تقف وتقول الحق ولا تخشى الا الله لو كان كلامي ده انت مستغربه ومش قادر تهضمه - [00:10:11](#)

فاعلم ان المادية قد بدأت تتسلل اليك وفي الحلقات القادمة بازن الله سنتكلم عن ظاهرة العقل المادي لانه اخطر شيء حاليا على عقل وقلب المسلم والسلام عليكم واشوفكم بكرة في ذكرى جديدة وعبرة جديدة. ولو كنتم بتتفرجوا على الانترنت. ما تنسوش تعملوا لايك وشير للفيديو وتشاركوا في القناة بالضغط على زر سبسكرايب - [00:10:34](#)

الحاجات دي بتنشر الفيديوهات بتاعتنا وبيعهم الخير والسلام عليكم رسايل رحمة حوايك تبعها وخد امل منها كان قبلك بزكراك طول ما لسه الروح في جسمك طول ما لسة فرصة تبقى احسن في اللي في الحياة - [00:11:00](#)

اه من يوم ميلادنا واحنا اطفال في الصغر من ساعتها ليوم وفاتنا كل - [00:11:34](#)